

13 JUL 1999

MEMORIAL DAN RUMAH KELAHIRAN DR MAHATHIR DITUTUP SEMENTARA

KUALA LUMPUR, 13 Julai (Bernama) -- Memorial Pengisytiharan Kemerdekaan di Melaka dan Rumah Kelahiran Mahathir Mohamad di Alor Setar akan ditutup sementara kepada pelawat untuk kerja membaik pulih, menaik taraf bangunan dan mengubahsuai bahan pameran sedia ada.

Ketua Cawangan Perhubungan Awam Arkib Negara Malaysia Faridah Ishak hari ini berkata, memorial itu akan ditutup selama enam bulan mulai 1 Ogos hingga 29 Feb 2000.

Rumah kelahiran Perdana Menteri Datuk Seri Dr Mahathir Mohamad pula akan ditutup selama sebulan mulai 20 Julai ini hingga 20 Ogos, katanya dalam satu kenyataan di sini.

-- BERNAMA

AFY PR